

Headline	Faizal belum mahu bersara, ingin terus wakili Malaysia		
MediaTitle	Utusan Malaysia		
Date	11 Mar 2024	Language	Malay
Circulation	107,609	Readership	322,827
Section	Sukan	Page No	46,48
ArticleSize	732 cm <sup>2</sup>	Journalist	ROZAIDI ZULKIFLI
PR Value	RM 89,799		

# Faizal belum mahu bersara, ingin terus wakili Malaysia

Oleh ROZAIDI ZULKIFLI  
rozaidi.zulkifli@mediamulia.com.my

**PETALING JAYA:** Penyerang sensasi negara, Faizal Saari belum puas menabur bakti kepada skuad hoki kebangsaan dan bersedia bermain jika khidmatnya masih diperlukan sekali gus melupakan hasrat untuk bersara.

Faizal, 33, berkata, kehadiran Sarjit Singh selaku ketua jurulatih Speedy Tigers baru antara faktor utama dia menangguhkan hasrat untuk berundur daripada skuad negara.

Jelaskan, Sarjit bukan individu baharu dalam perjalanan karier Faizal kerana dia pernah dibimbang jurulatih itu ketika mengendalikan Pasukan Hoki Terengganu (THT) pada saingan Liga Hoki Malaysia (MHL) antara tahun 2014 sehingga 2016.

"Saya ada berhubung dengan coach Sarjit. Saya memang tak ada masalah (dengannya) dan saya rasa akan teruskan jika kudrat saya diperlukan."

"Beliau pernah menjadi jurulatih THT pada 2014, 2015 dan 2016 tetapi di peringkat antarabangsa, saya belum pernah ada pengalaman dilatih olehnya."

"Saya harap nama saya terpilih untuk mewakili Malaysia. Memang saya ada bagi bayangan untuk bersara, tapi bila Sarjit dilantik dan dia juga salah



**PENJAGA** gol Pasukan Hoki Terengganu (THT), Muhammad Hafizuddin Othman (tengah) cuba menghalang asakan pemain Tenaga Nasional Berhad (TNB), Muhammad Danish Aiman Khairul Anuar pada final Piala TNB 2024 di Stadium Hoki Nasional Bukit Jalil di sini, kelmarin. TNB menang 4-2. - UTUSAN/ FARIZ RUSADIO

seorang jurulatih pilihan saya, saya rasa perlu terus berjuang untuk Malaysia serta untuk dirinya.

"Saya rasa dia pernah letak kepercayaan yang tinggi kepa-

da saya, jadi saya perlu buktikan kemampuan," katanya ketika ditemui media selepas final Piala TNB yang menyaksikan THT muncul naib juara.

Dalam aksi final itu, Tenaga

Nasional Berhad (TNB) melakar kemenangan 4-2 untuk melengkapkan kejuaraan treble musim ini apabila turut memenangi Piala Sumbangsih dan Liga Hoki Malaysia (MHL) 2024.